

馬氏文獻通考



鄧 陽 馬 端 臨 貴 與 著

封建考五

春秋列國傳授本末事跡

周

周姬姓公爵國在王畿內扶風雍縣唐改為天興成王封周公於魯周公元子伯禽就封於魯次子留相王室代

為周公 桓公五年鄭伯不朝王以諸侯伐鄭鄭禦之王為中軍號公林父將右軍蔡衛屬焉周公黑肩將左軍

陳人屬焉黑肩即周桓公也王卒大敗 十八年周公欲弑莊王而立王子克莊王弟辛伯告王遂與王殺周公黑肩王子

克奔燕初子儀有寵於桓王子儀即桓王屬諸周公辛伯諫曰並后妾如嫡匹嫡嫡如兩政臣懼臣懼耦國耦國亂之本

也周公弗從故及 僖公九年周公會齊侯及諸侯盟于葵邱周公宰王使宰孔賜齊侯胙 二十四年頽叔桃

子奉太叔以狄師伐周大敗周師獲周公忌父原伯毛伯富辰 三十年王使周公閱來聘饗有昌獸白黑形鹽

昌獸昌蒲菹白熟菹黑熟黍形鹽鹽形象虎辭曰國君文足昭也武可畏也則有備物之饗以象其德薦五味羞嘉穀鹽虎形以獻其

功吾何以堪之 文公十四年頃王崩周公閱與王孫蘇爭政故不赴周公與王孫蘇訟於晉王叛王孫蘇王孫蘇王臣

而使尹氏與聃啟訟周公於晉趙宣子平王室而復之 成公十一年周公楚惡惠襄之偪也王襄之族且與伯與

爭政伯與周卿士不勝怒而出及陽樊王使劉子復之盟於鄆而入三日復出奔晉王既復之而復出所以自絕於周

召

召姬姓伯爵國在王畿內雍縣東南今王屋縣召康公爽受封於燕而食采於召其後世世輔王室 厲王行暴

虐國人謗王召穆公虎諫曰民不堪命矣王怒得衛巫使監謗者以告則殺之國人莫敢言道路以目王告召公曰吾能弭謗矣召公曰是鄭之也防民之口甚於防川川壅而潰傷人必多民亦如之王不聽國人畔毀王王出奔彘太子靜匿召公之家國人圍之召公曰昔吾驟諫王王不從以及此難也今殺王太子王其以我爲讎而懟怒乎乃以其子代王太子太子得脫周公召公二相行政號曰共和十四年厲王死於彘太子靜長於召公家二相共立之是爲宣王宣王卽位命穆公平淮夷告成於王王錫以圭瓚秬鬯一卣錫之土田穆公作常武之詩以美宣王 僖公十一年王使召武公賜晉惠公命 宣公十五年王孫蘇與召氏毛氏爭政使王子捷殺召戴公及毛伯衛卒立召襄召襄之子 成公八年王使召桓公來賜魯公命 昭公二十二年景王崩既葬王子朝因舊官百工之喪職秩者與靈景之族以作亂逐劉子單子王子還與召莊公謀殺單子單子及召莊公 二十六年召伯盈逐王子朝伯盈本子朝黨晉師克靈知 王子朝及召氏之族毛伯得尹氏固南宮嘉羣周之典籍以奔楚召伯逆王於尸及劉子單子盟召伯新 二十九年三月京師人殺召伯盈尹氏固及原伯魯之子魯之子

劉

劉姬姓子爵國在畿內河南緱氏縣西北今緱氏西城舊有劉亭劉子世爲王卿士 宣公十年劉康公報聘於

魯去年王來微聘孟魯獻子聘於周也

成公元年晉侯使瑕嘉平戎於王劉康公徵戎將遂伐之叔服曰背盟而欺大國必敗不

聽遂伐茅戎敗績於徐吾氏 十一年晉卻至與周爭鄆田王命劉康公單襄公訟諸晉卻至曰溫吾故也故不敢失劉子單子曰昔周克商使諸侯撫封蘇忿生以溫爲司寇與檀伯達封於河蘇氏卽狄又不能於狄而奔衛

襄王勞文公而賜之溫狐氏陽氏先處之而後及子若治其故則王官之邑也子安得之晉侯使卻至勿敢爭

十三年劉康公會晉侯及諸侯伐秦成肅公受服於社不敬劉子曰吾聞之民受天地之中以生所謂命也是以

有動作禮義威儀之則以定命也能者養之以福不能者敗以取禍是故君子勤禮小人盡力勤禮莫如致敬盡

力莫如敦篤敬在養神篤在守業國之大事在祀與戎祀有執膳戎有受服神之節也今成子惰棄其命矣其

不反乎十四年王使劉定公賜齊侯命昭公元年晉趙武楚公子圍會諸侯于號王使劉定公勞趙孟於潁

館於洛汭劉子曰美哉禹功明德遠矣微禹吾其魚乎吾與子弁冕端委以治民臨諸侯禹之力也子盍亦績禹

功而大庇民乎對曰老夫罪戾是懼焉能恤遠吾儕偷食朝不謀夕何其長也劉子歸以語王曰諺所謂老將至

而耄及之者其趙孟之謂乎為晉正卿以主諸侯而儕於隸人朝不謀夕棄神人矣神怒民叛何以能久趙孟不

復年矣昭公二十二年初王子朝賓起有寵於景王子朝與王子朝與實孟說之孟即欲立之劉獻公之庶

子伯也事單穆公穆公劉公劉伯也惡賓孟之為人而願殺之又惡王子朝之言以為亂願去之立之言夏王田

北山使公卿皆從將殺劉子單子王知劉單不欲立王有心疾乙丑崩於榮錡氏戊辰劉子擊卒無子單子立劉

當五月庚辰見王遂攻賓起殺之盟羣王子于單氏丁巳葬景王王子朝因舊官百工之喪職秩者與靈景

之族以作亂之王子孫帥郊甸之甲以逐劉子劉子奔揚單子逆悼王于莊宮以歸王子還夜取王以如

莊宮王子還子朝不飲使癸亥單子出失子朝與召莊公謀曰不殺單旗不捷將奉王以追單子及領

大盟而復子復歸然後背盟殺之殺擊荒以說劉子如劉子亡奔于平時知欲奔羣王子追之單子殺還

姑蘇弱駭廷定稱八子劉景之子朝奔京死故丙寅伐之單子京人奔山劉子八於王城子朝奔京

辛未鞏簡

公敗績於京乙亥甘平公亦敗焉甘平公周卿所敗單子欲告急於晉以王如平時遂如圃車次於皇出次以劉子

如劉單子使王子處守於王城守王城距子朝盟百工於平宮鄆脾伐皇大敗子朝司徒醜以王師敗績於前城百工叛

之戎及焦瑗溫原之師以納王於王城庚申單子劉黨以王師敗績於郊為子朝之黨所敗前城人敗陸渾於社前城子朝衆

十一月乙酉王子猛卒不成喪也悼王所以不稱曰已丑敬王卽位子猛弟館于子旅氏周大二十三年四月單

子取晉劉子取牆人直人二邑屬六月王子朝入於尹自京入尹氏之邑癸未尹國誘劉佗殺之佗尹國尹文公也劉氏之邑丙戌

單子從阪道劉子從尹道伐尹單子先至而敗劉子還己丑召伯奭南宮極以成周人戊子子周卿庚寅單子

劉子樊齊以王如劉劉子朝出甲午王子朝入於王城次於左巷鄆羅緘諸莊宮周大夫尹辛敗劉師於唐丙辰又

敗諸鄆甲子尹辛取西關西關周地丙寅攻鄆鄆周地潰二十六年單子如晉晉急劉人敗王城之師於尹氏劉人劉氏之族王城

之徒戊辰王城人劉氏戰于施谷劉氏敗績七月劉子以王出師敗次於渠周地王城人焚劉王宿於褚氏晉知驪

趙鞅帥師納王召伯盈逐王子朝子朝奔楚召伯逆王於尸及劉子單子盟癸酉王入于成周定公四年劉文

公會晉及諸侯于召陵謀伐楚也七年周儋翩入於儀栗以叛儀栗周邑單武公劉桓公敗尹氏於窮谷尹氏復黨儋翩共為

也八年劉子伐儀栗伐孟以定王室討儀栗哀公三年初劉氏范氏世為婚姻襄王事劉文公故周與范氏

趙鞅以為討六月周人殺襄王及定王時劉氏亡周國

單

單姬姓伯禽國在畿內單伯世為王卿士莊公十四年齊侯以諸侯伐宋以其背北齊齊請師於周欲崇天子

此為試讀，需要完整PDF請訪問：www.ertongbook.com

單子會之取成於宋而還 文公十四年魯襄仲使告於王請以王寵求叔姬於齊叔姬魯女齊昭公夫人

人執之曰殺其子焉用其母請受而罪之冬單子如齊請子叔姬齊人執之魯魯恃王又執子叔姬 十五年齊

人許單伯請而赦之使致命於魯 成公元年齊侯使瑕嘉平戎於王單襄公如晉拜成 十二年卻至與周爭

鄆田王命劉康公單襄公訟諸晉晉子見 十七年單子會晉侯及諸侯之師伐鄭 襄公三年公會單頃公及諸

侯同盟于雞澤 十年王叔陳生與伯輿爭政王叔 晉侯使士匄平王室王使叔氏與伯輿合要要辭 王叔氏

不能舉其契王叔奔晉單靖公為卿士以相王室代王 昭公十一年單子會韓宣子于戚視下言徐叔向曰單

子其將死乎朝有著定著定朝內列位會有表表野會設表 衣有綯帶有結結帶會朝之言必聞於表著之位所

以昭事序也視不過結綯之中所以道容貌也言以命之容貌以明之失則有關今單子為王官伯而命事於會

視不登帶言不過步貌不道容而言不昭矣不道不共不昭不從無守氣矣冬單成公卒景王鑄大錢及無射單

穆公諫不聽 二十二年景王崩劉子單子立王子猛王子朝作亂劉子見 定公八年單子伐穀城簡城以定王

室討僭廟之風

祭

祭姬姓伯爵周公之後國於畿內在陳留長垣縣今鄭州管城有祭城世為王卿士 穆王將征犬戎祭公謀父

諫曰不可先王耀德不觀兵夫兵戢而時動動則威觀則玩玩則無震震昭曰是故周文公之頌章昭曰文公曰

載戢干戈載櫜弓矢韋昭曰我求懿德肆于時夏允王保之言武王常求美德故陳其功於是夏而歌先

王之於民也茂正其德而厚其性阜其財求而利其器用明利害之鄉韋昭曰以文修之使之務利而辟害懷德

而畏威故能保世以滋大昔我先王世后稷唐昭曰謂棄與不啻也以服事虞夏及夏之衰也正義曰謂棄稷不務

正義曰言太康棄稷我先王不啻用失其官而自竄於戎狄之間不敢怠業時序其德遵修其緒徐廣曰遵一作纂修其訓典

朝夕恪勤守以敦篤奉以忠信奕世載德不忝前人正義曰前人謂后稷也言不啻棄世職不忝后稷及文王武王無不務農事至於文王武王昭前

之光明而加之以慈和事神保民無不欣喜商王帝辛大惡於民庶民不忍訴戴武王以致戎於商牧正義曰討近郊地也

野牧是故先王非務武也勤恤民隱而除其害也夫先王之制邦內甸服邦外侯服侯衛賓服侯衛賓服皆侯服之也

夷蠻要服戎翟荒服甸服者祭唐昭曰祭侯服者祀侯月祀賓服者享侯時享要服者貢侯歲貢荒服者王王事

天子也詩曰莫敢不來王日祭月祀時享歲貢終王先王之順祀也徐廣曰外傳云先王之訓有不祭則修意唐昭曰先修志意以自責也

祀則修言唐昭曰言有不享則修文有不貢則修名唐昭曰名謂尊卑有不王則修德唐昭曰德人不

來序成而有不至則修刑唐昭曰序成謂上五者次序於是有刑不祭伐不祀征不享讓不貢告不王於是有刑

罰之辟有改伐之兵有征討之備有威讓之命有文告之辭布令陳辭而有不至則增修於德無勤民於遠是以

近無不聽遠無不服今自大畢伯士之終也徐廣曰犬戎之君犬戎氏以其職來王正義賈逵云大畢伯士犬戎氏之二

畢伯士終後犬戎氏常以其職來王天子曰正義曰竊公言魯王予必以不享征之且觀之兵無乃廢先王之訓而王幾頓乎正義

音吾聞犬戎樹敦徐廣曰樹一作嚴案唐昭曰率舊德而守終純固其有以禦我矣王遂征之得四白狼四白

鹿以歸自是荒服者不至王欲肆其心周行天下將必有車轍馬跡焉祭公謀父作祈招之詩以止王心祈父周

掌甲兵之職招其名義公方諫游行故繼司馬官而置其詩曰祈招之愔愔式昭德音思我王度式如玉式如金刑民之力而無醉飽之心

王是以獲沒於祗宮獲沒不見其試隱公元年祭伯來非王命也不稱所以桓公八年祭公來遂逆王后于紀

凡

凡姬姓伯爵周公之後國於畿內在汲郡共縣今衛州共城縣世為王卿士 厲王幽王之時凡伯作板瞻即召
曼諸詩以刺王 隱公七年戎朝於周發幣於公卿凡伯弗賓冬王使凡伯來聘還戎伐之于楚邱以歸

蘇

蘇其姓未詳子爵周武王時蘇忿生為司寇封於溫為畿內之國地在河內溫縣 幽王時蘇成公與暴辛公共

為卿士為暴公所譖作何人斯 隱公十一年王取鄆劉蔣邾之田于鄆而與鄭人蘇忿生之田溫原緄樊隰郕

櫟茅向盟州陘隍懷時蘇氏叛王十二邑 莊公十九年齊國邊伯石速詹父子禽祝跪作亂因蘇氏桓王嘗蘇

與鄭自此以來遂不和 秋五大夫率子頹以伐王不克出奔溫蘇子率子頹以奔衛衛燕伐周納子頹 僖公十年狄

滅溫蘇子無信也蘇子叛王即狄不能於狄狄人伐之王不救故滅蘇子奔衛 文公十年及蘇子盟于女栗頃

王立故也僖十年狄滅溫今復見蘇王復之 成十一年晉卻至與周爭鄆田王命劉康公單襄公訟諸晉卻至曰溫吾故也故

不敢失言溫却蘇氏舊邑 劉子單子曰昔周克商使諸侯撫封各撫有其地 蘇忿生以溫為司寇與檀伯達封於河謂俱封蘇

氏即狄又不能於狄而奔衛襄王勞文公而賜之溫孤氏陽氏先處之孤陽陽處父先食溫也 而後及子若治其畝則王官

之邑也子安得之晉侯使卻至勿敢爭

毛

毛姬姓伯爵文王之後封於毛地在畿內成王時為卿士與召公奭伯彤伯畢公衛侯同受顧命立康王自此世

為王卿士 文公元年王使毛伯衛來賜公命 九年毛伯衛來求金襄王崩求金以共葬事 宣公十五年王孫蘇與召

民毛氏爭政使王子捷殺召戴公及毛伯衛 昭公十八年二月乙卯周毛得殺毛伯過得過之族而代之冀弘曰毛

得必亡是昆吾稔之日也侈故之以昆吾夏伯稔侈惡積而毛得以濟侈於王都不亡何待 二十六年尹氏

召伯毛伯以王子朝奔楚劉子見右周召劉單祭凡蘇毛皆王畿內之國世爲王卿士先王之時諸侯之有功德

者則入輔王室如成王時召太保芮伯彤伯畢公衛侯毛公爲六卿召畢毛皆兼三公齊侯呂伋爲王虎賁氏後

來如衛鄭二武公亦入爲王卿士皆外諸侯也東遷而後王室微弱號令不能行於畿外春秋之初鄭與號尚迭

爲卿士然爭政怨怒至於交質交惡稱兵構逆王夷師燭而名義蕩然矣其後號爲晉所滅鄭亦不復聽王室之

令齊晉迭伯而列國之所爲奔走後先者知有盟主而已王室之政付之畿內食采邑之小國然溫已叛去其地

入於狄與晉凡祭僅再見於隱桓之間而已後不復聞惟周召劉單世執王室之政柄云

徐

徐嬴姓子爵出自柏翳國始封於夏歷殷周國在下邳僮縣今泗州臨淮有徐城 武王崩成王幼周公攝政三

監及徐商奄叛周周公討之殺管蔡武庚踐奄踐滅寧東土及伯禽封於魯而徐戎淮夷復寇東郊伯禽討之作

費誓 穆王西巡守樂而忘歸徐君誕僭稱偃王行仁義除刑爭四方諸侯爭辯者無所質正咸賓祭於徐費玉

帛死生之物於徐庭者三十六國得朱弓赤矢之瑞穆王聞之乃命造父御長驅而歸與楚連謀伐徐偃王失國

走死彭城武原山下 宣王時徐方不庭王命太師皇父程伯休甫總六師以討之 僖公三年徐人取舒舒國

江舒縣國而不十五年春楚人伐徐徐卽諸夏故也三月齊侯及諸侯盟于牡邱尋葵邱之盟且救徐也孟

穆伯帥師及諸侯之師救徐諸侯次于匡以待之 冬楚敗徐于婁林徐恃救也特齊十七年春齊人爲徐伐

莫氏以報婁林之役也 文公七年徐伐莒 成公七年吳伐巢伐徐楚子重奔命救巢徐 昭公四年楚子會

諸侯于申徐子吳出也以爲貳焉故執諸申 六年徐儀楚聘於楚儀楚徐大夫 楚子執之逃歸懼其叛也使薳洩伐

徐吳救徐敗楚師於房鍾 十二年楚子狩於州來次於潁尾使蕩侯潘子司馬督鬻尹午陵尹善帥師圍徐以

懼吳楚子次於乾溪以爲之援 十六年齊侯伐徐師至於蒲隧徐地徐人行成徐人及邾人莒人會齊侯盟於蒲

隧賂以甲父之鼎叔孫昭子曰諸侯之無伯害哉害小國害 齊君之無道也興師而伐連方會之有成而還莫之亢也

亢 無伯也夫 三十年吳子伐徐防山以水之防山山水以灌徐 己卯滅徐徐子章禹斷其髮自刑 攜其夫人以逆吳

子吳子嚭而送之使其邇臣從之遂奔楚楚沈尹戌帥師救徐弗及遂城夷使徐子處之夷城父也 先儒林少穎言

周自文武興於西土而化行於南故西夷最先服而東夷之服爲最後是以武王牧野之戰方與商師決勝負於

行陣之間而西南夷之邦所謂庸蜀羌髡微盧彭濮者已皆供使而成王之卽政天下已太平矣東夷之徐奄猶

興兵以叛也愚按徐雖柏翳之後有國已久而俗流於夷周初一叛於三監流言之時再叛於伯禽撫封之日周

公魯公僅能定之至穆王稍有荒縱遠狩之失而偃王者遽爾僭號侈然有朝諸侯有天下之意洎厲王無道宣

王撥亂之始而繹騷於南國者又徐也然則徐於西周之時蓋常常稱亂於東南及東遷之後徐始微弱而東南

之鴟張僭竊北向以爭諸侯者荆楚吳越相繼興矣其後徐益以弱服屬於吳楚之閒而卒不得免焉然吳楚偏

強於東周衰微之後而徐偏強於西周鼎盛之時則其初本非弱國也

戎

隱公二年公會戎于潛修惠公之好也戎請盟公辭辭陳留齊國縣東附有戎城戎請盟秋盟于唐復修戎好也 七年初戎朝

於周發幣於公卿凡伯弗賓冬王使凡伯聘於魯還戎伐之手楚邱以歸 九年北戎侵鄭鄭伯禦之患戎師曰

彼徒我車懼其侵軼我也公子突曰使勇而無剛者嘗寇而速去之則能往無剛不晚退君為三覆以待之兵伏

戎輕而不整貪而無親勝不相讓敗不相救先者見獲必務進進而遇覆必速奔後者不救則無繼矣乃可以還

從之戎人之前遇覆者奔祝賄逐之與戎師戎前後及中遇三覆前後擊之盡殪戎師大奔十一月甲寅鄭人大

敗戎師 桓公六年北戎伐齊齊侯使乞師於鄭鄭太子忽帥師救齊六月大敗戎師獲其二帥大夏少夏甲首

三百以獻於齊於是諸侯之大夫戍齊 莊公十八年公追戎于濟西不言其來諱之也戎來侵魯魯不知去乃追之故諱不言其來

二十年齊人伐戎 三十年魯公及齊侯過于魯濟謀山戎也以其病燕故也北齊齊人伐山戎山戎北狄三十

一年齊侯來獻戎捷穀梁傳曰桓內無因國外無從諸侯而越千里之險北伐山戎危之也內無因緣山戎左右之國為內聞者外無

諸侯者不煩役察國則非之乎善之也何善乎爾燕周之分子也召康公之後貢職不至山戎為之伐矣 閔公二年號公

敗犬戎於渭汭大戎西戎別在中國者 僖公二年號公敗戎於桑田桑田魏地在弘農陝縣 十年齊侯許男伐北戎 十一年揚

拒泉皋伊雒之戎同伐京師入王城焚東門洛水之問者今伊闕北有泉亭 王子帶召之也子帶召戎欲因以篡位 秦晉

伐戎以救周秋晉侯平戎於王 十二年王以戎難故討王子帶王子帶奔齊 冬齊侯使管夷吾平戎於王使

隰朋平戎於晉和平也前年晉救周伐戎故或與周晉不和 十三年為戎難故諸侯戌周齊仲孫湫致之 十六年王以戎難告於

齊齊徵諸侯而戌周 二十二年平王之東遷也辛有適伊川見被髮而祭於野者曰不及百年此其戎乎其

禮先亡矣秋秦晉遷陸渾之戎於伊川允姓之戎居陸渾在秦晉西北二國誘而徙之遂去戎號至今為陸渾縣也 三十三年晉及姜戎敗秦師于

殺 文公八年魯公子遂會伊雒之戎盟于暴暴鄭地 十六年楚大饑戎伐其西南至於阜山師於大林又伐其

東南至於陽邱以侵訾枝戎山夷也大林陽邱訾枝皆楚邑也十七年周甘蹇敗戎於邲垂乘其飲酒也在河南新城縣北

宣公三年楚子伐陸渾之戎遂至於雒觀兵於周疆定王使王孫滿勞楚子成公元年晉侯使瑕嘉平戎於王

平文十七年邲垂之役單襄公如晉拜成劉康公徵戎將遂伐之欲要其無備叔服曰背盟而欺大國此必敗背盟不祥欺大國

不義將何以勝不聽遂伐茅戎三月癸未敗績於徐吾氏徐吾氏茅戎之別也六年晉伯宗夏陽說衛孫良夫甯相鄭人

伊雒之戎陸渾蠻氏侵宋蠻氏戎別種也河南新縣城東南有蠻城以其辭會也前年宋辭襄公四年無終子嘉父使孟樂如晉

山戎國名孟樂其使臣因魏莊子納虎豹之皮以請和諸戎莊子魏侯曰戎狄無親而貪不如伐之魏絳曰諸侯新服陳新

來和將觀於我我德則睦否則攜貳勞師於戎而楚伐陳必不能救是棄陳也諸華必叛戎禽獸也獲戎失華無

乃不可乎和戎有五利焉戎狄薦居貴貨易土土可賈焉一也邊鄙不聳民狎其野穡人成功二也戎狄事晉四

鄰震動諸侯威懷三也以德綏戎師徒不勦甲兵不頓頓也四也鑒於后羿而用德度達至邇安五也君其圖之

公說使魏絳盟諸戎修民事田以時五年王使王叔陳生戇戎于晉戎陵周主故晉人執之士魴如京師言

王叔之貳於戎也王叔反有貳心於戎失率使之義故晉執之十四年晉及諸侯會于向將執戎子駒支范宣子親數諸朝行之所

朝位曰來姜戎氏昔秦人追逐乃祖吾離於瓜州四嶽之後皆姜姓又別為允姓瓜州地在今敦煌郡敦煌徒門反乃祖吾離被苦蓋蒙荆棘以來歸

我先君諸苦之別名蒙賈也我先君惠公有不腆之田厚也與女剖分而食之中今諸侯之事我寡君不如昔者蓋言語

漏泄則職女之由也職主也諸朝之事爾無與焉諸朝明且不便復得與會事也與將執女對曰昔秦人負恃其衆貪於土地逐我諸

戎惠公錫其大德謂我諸戎是四嶽之裔也四嶽時方伯姜姓也毋是翦棄翦削也賜我南鄙之田狐狸所

居豺狼所嗥我諸戎除翦其荆棘驅其狐狸豺狼以為先君不侵不叛之臣至於今不貳不內侮亦不外叛昔文公與秦

伐鄭秦人竊與鄭盟而舍戍焉在傳三於是乎有殺之師在傳三晉禦其上戎亢其下元猶秦師不復我諸戎實

然譬如捕鹿晉人角之諸戎摘之摘其足也與晉陪之陪也陪蒲北戎何以不免自是以索晉之百役與我諸

戎相繼於時言給晉役以從執政猶殺志也意常如故豈敢離湯今官之師旅無乃實有所闕以攜諸侯而罪我

諸戎我諸戎飲食衣服不與華同贊幣不通言語不達何惡之能為不與於會亦無嘗焉書問賦青蠅而退青蠅

推取其體物君子無信謬言宣子辭焉使即事於會成愷悌也成愷悌不信謬也不書昭公元年周甘人與晉閻嘉爭閻田

甘人甘大夫也晉梁丙張趯率陰戎伐潁潁戎潁之王使詹桓伯辭於晉伯周大夫曰我自夏以后稷魏

駘岐畢吾西土也在夏此以周穆功受此五國為西土之長西北及武王克商蒲姑商奄吾東土也樂安博昌

城巴濮楚鄧吾南土也肅慎燕亳吾北土也肅慎北夷在元菟吾何邇封之有也近文武成康之建母弟以蕃屏

周亦其廢墜是為之為後世廢墜兄弟豈如弁髦而因以敝之童子垂髫始冠必三加冠成禮而先王居櫛杭於四

裔以禦魑魅言機略事四國之一下故允姓之姦居於瓜州九姓陰戎之祖與三苗俱伯父惠公歸自秦而誘

以來十五年晉惠公自秦歸二十使偪我諸姬入我郊甸則戎焉取之邑外為郊郊外為甸戎有中國誰之咎

也晉在后稷封殖天下今戎制之不亦難乎后稷修封殖五穀伯父圖之我在伯父猶衣服之有冠冕木水之

有本源民人之有謀主也民人謀主伯父若裂冠毀冕拔本塞源專棄謀主雖戎狄其何有余一人伯父猶然

所無可責晉卑臨叔向謂宣子曰文之伯也豈能改物言文公雖體未能翼戴天子而加之以共也翼佐自文以來

世有衰德而暴滅宗周天子以宣示其侈諸侯之貳不亦宜乎且王辭直子其圖之宣子說王有姻喪外親使趙

成如唐弔且到閭田與襚襚送死衣反顧俘王亦使賓滑執甘大夫襄以說於晉晉人禮而歸之賓滑周十六年楚

子開蠻氏之亂也與蠻子之無質也也實備使然丹誘戎蠻子嘉殺之遂取蠻氏既而復立其子禮也河南新城縣東南有蠻城

十七年晉侯使屠蒯如周請有事於雒及三塗屠蒯晉之勝宰以忠諫見進雒水也三塗山名在陸渾南莫弘謂劉子曰客容猛非祭也

其伐戎乎陸渾氏甚睦於楚必是故也君其備之乃警戎備警戎以備戎因晉合勢九月丁卯晉荀吳帥師涉自棘津使祭

史先用牲於雒陸渾人弗知師從之庚午遂滅陸渾數之以其貳於楚也陸渾子奔楚其衆奔甘鹿甘鹿周地周大獲

先戎晉先戎范宣子夢文公攜荀吳而授之陸渾故使穆子帥師獻俘於文宮 哀公四年夏楚人既克夷虎夷虎楚

乃謀北方左司馬販申公壽餘葉公諸梁致蔡於負函三子楚大夫也此蔡之故地人民致方城之外於繒關

皆楚地 曰吳將沂江入郢逆流將奔命焉為一昔之期楚大夫也此蔡之故地人民致方城之外於繒關梁及霍梁霍當備吳夜結期明日便襲梁霍使不知

皆蠻子單浮餘圖蠻氏蠻氏潰蠻氏潰也單音善蠻子赤奔晉陰地陰地河南山北自司馬起豐析與狄戎析縣屬南

之邑也郢南有豐都皆楚邑發此二邑人及夷狄以臨上雒左師軍於薳和薳和山在上雒右師軍於蒼野蒼野在使謂陰地之命大夫

士蔑命大夫別曰晉楚有盟好惡同之若將不廢寡君之願也不然將通於少習少習商縣武關也將士

蔑請於趙孟趙孟曰晉國未寧安能惡於楚必速與之未寧自范士蔑乃致九州之戎地陸渾者將裂田以與

蠻子而城之以許且將為之下下蠻子聽下遂執之與其五大夫以昇楚師於三戶司馬致邑立宗焉

以誘其遺民楚復許為蠻子而盡俘以歸

狄

莊公三十一年狄伐邢 閔公元年狄人伐邢管敬仲言於齊侯曰戎狄豺狼不可厭也諸夏親暱不可棄也宴

安酖毒不可懷也詩云豈不懷歸畏此簡書同惡相恤之謂也請救邢以從簡書齊人救邢 二年冬狄人伐衛

衛及狄戰於榮澤此榮澤當在河北衛師敗績遂滅衛狄人囚史華龍滑與禮孔以逐衛人二人曰我太史也實掌其祭

不先國不可得也夷狄鬼故恐乃先之至則告守者曰不可待也守者石郎子當莊子公與之決與矢夜與國

人出狄入衛遂從之又敗諸河衛將東走渡河宋桓公逆諸河迎衛敗衆宵濟畏狄衛之遺民男女七百有三十人益

之以共滕之民爲五千人則國衛立戴公以廬於曹曹衛下邑戴公名申其年卒文公燬立齊師戍曹晉侯使太子申生伐東山

皋落氏赤狄別種也皋落其氏族僖公元年春諸侯救邢邢潰出奔師師遂逐狄人具邢器用而遷之師無私焉八年晉

里克帥師梁由靡御號射爲右以敗狄於采桑傳晉前年事也平陽北梁由靡曰狄無恥從之必大克故可逐里

克曰懼之而已無速衆狄恐恐深而報號射曰期年狄必至示之弱矣夏狄伐晉報采桑之役也復期月明期年之旨驗

十年狄滅溫蘇子無信也蘇子叛王即狄又不能於狄狄人伐之王不救故滅蘇子奔衛十三年狄侵衛

十六年狄侵晉取狐肅受鐸涉汾及昆都因晉敗也狐肅受鐸昆都晉三邑平陽臨汾縣西北有十八年邢人狄

人伐衛圍葵園二十一年狄侵衛爲邢二十四年鄭伐滑王使伯服游孫伯如鄭請滑鄭伯怨王不聽命而

執二子王怒將以狄伐鄭富辰諫不聽使頹叔桃子出狄師夏狄伐鄭取欒王德狄人將以其女爲后富辰諫曰

不可臣聞之曰報者倦矣施者未厭狄固貪惓王又敗之女德無極婦怨無終狄必爲患王弗聽初甘昭公有寵

於惠后惠后將立之未及而卒昭公奔齊王復之又遇於隗氏王替隗氏頹叔桃子曰我嘗使狄狄其怨我遂奉

太叔以狄師攻王王御士將禦之三曰先后其謂我何寧使諸侯圖之王遂出及坎飲國人緝之秋頹叔桃子

奉太叔以狄師伐周大敗周師三出適鄭處於汜太叔以隗氏居於溫二十五年晉侯納王殺太叔二十八

年晉侯作三行以禦狄荀林父將中行屠擊將右行先蔑將左行晉置上中下三軍今復增置三十年晉人侵

鄭狄聞晉之有鄭虞也夏狄侵齊 三十一年晉蒐于清原作五軍以禦狄二十八年作三行今冬狄圍衛衛

遷于帝邱 三十二年夏狄有亂衛人侵狄狄請平焉秋衛人及狄盟 三十三年狄侵齊因晉喪也公晉狄

伐晉及箕晉侯敗狄于箕卻缺獲白狄子自狄狄別種也故先軫死於狄師 文公七年狄侵魯西鄙公使告於

晉趙宣子使因賈季問酈舒且讓之酈舒狄相讓其伐晉時賈季奔狄故就使讓之 九年狄侵齊 十年狄侵宋 十三年狄侵衛

宣公二年赤狄侵齊 四年赤狄侵齊 六年秋赤狄伐晉圍懷及邢邱邢邱今河內平皋縣 晉侯欲伐之中行桓子曰使

疾其民為民所疾以盈其貫將可殲也周書曰殲戎殷此之謂也 七年赤狄侵晉取向陰之禾 八年白狄及晉平

會晉伐秦 十一年晉卻成子求成於眾狄眾狄疾赤狄之役遂服於晉故服役眾狄 秋會于櫟圍眾狄服

也是行也諸大夫欲召狄卻成子曰吾聞之非德莫如勤非勤何以求於人能勤有繼其從之也勛則功 詩曰文

王既勤止文王猶勤況寡德乎 十三年赤狄伐晉及清先穀召之也鄭戰不得志故 晉人討先穀殺之 十五

年潞子嬰兒之夫人晉景公之姊也酈舒為政而殺之又傷潞子之目酈舒相 晉侯將伐之諸大夫皆曰不可酈舒

有三雋才雋才雋異也言者不如待後之人伯宗曰必伐之狄有五罪雋才雖多何補焉不祀一也嗜酒二也棄仲

章而奪黎氏地三也仲章國上黨靈縣有黎氏黎侯 虐我伯姬四也傷其君目五也怙其雋才而不以茂德茲益罪也

後之人或者欲敬奉德義以事神人而中固其命若之何待之不討有罪曰將待後後有辭而討焉毋乃不可乎

夫恃才與眾亡之道也商紂由之故滅也用 天反時為災災暑 地反物為妖妖物 民反德為亂亂則妖災生故文

反正為乏盡在狄矣晉侯從之六月癸卯晉荀林父敗赤狄於曲梁辛亥滅潞潞曲梁今廣平曲梁 酈舒奔衛衛人

歸諸晉晉人殺之公羊傳潞何以稱子潞子之為善也勇足以亡爾雖然君子不可不記也離於夷狄夷狄之俗而去離

之故而未合乎中國未能與中國合同禮義立黎侯而還黎侯復立之晉侯賞桓子狄臣千室亦賞士伯以

瓜衍之縣曰吾獲狄土子之功也微子吾襄伯氏矣鄭之敗晉侯將殺桓子伯請而免之使趙同獻狄俘於周 十六年晉士會

帥師滅赤狄甲氏及留吁鐸辰甲氏晉吁赤狄別種晉既獻狄俘於王成公三年晉卻克衛孫良夫伐廣咎如

討赤狄之餘焉晉滅赤狄潞氏其屬咎如潰上失民也九年秦人白狄伐晉諸侯貳故也 十二年狄人開宋

之盟以侵晉而不設備秋晉人敗狄於交剛 襄公十八年白狄始來白狄狄之別名未嘗與晉接故二十八

年白狄朝于晉 昭公元年晉中行穆子敗無終及羣狄於太原即大鹵也崇卒也崇卒將戰魏舒曰彼徒我車

所遇又阨地險不便車以什共車必克更增十人以當一車之用也困諸阨又克車每困於阨道今請皆卒去車為步卒自我始乃毀車

以爲行五乘爲三伍乘車者車三人五乘十五人今收荀吳之嬖人不肯卽卒斬以徇魏舒輒斬之荀吳爲五陳

以相離兩於前伍於後專爲右角參爲左角偏爲前拒皆四時處以誘之翟人笑之笑其失策未陳而薄之大敗之

十二年晉荀吳僞會齊侯者假道於鮮虞遂入昔陽鮮虞國都樂平治縣東有昔陽城秋八月壬午滅肥以肥子

綿臯歸肥白狄也綿臯其君名晉伐鮮虞因肥之役也 十三年鮮虞人聞晉師之悉起也平邱盟甲而不警

邊且不修備晉荀吳自著雍以上軍侵鮮虞及中人驅衝中山望都縣西北有中大獲而歸 十五年晉荀吳

帥師伐鮮虞圍鼓鼓白狄之別名鼓人或請以城叛穆子弗許左右曰師徒不勤而可以獲城何故不爲穆子

曰吾聞諸叔向曰好惡不愆民知所適事無不濟或以吾城叛吾所甚惡也人以城來吾獨何好焉賞所甚惡若

所好何無以復若其弗賞是失信也何以庇民力能則進否則退量力而行吾不可以欲城而邇姦所喪滋多使

鼓人殺叛人而繕守備圍鼓三月鼓人或請降使其民見曰狇有食色姑修而城軍吏曰獲城而弗取勸民而頓